



21.10.2021

UKA2021/85

Nunat tamalaat akornanni aningaasaliisussanut pilerinarsaanissamut atatillugu Taseriarmi erngup nukinganik nukissiorfiliortoqarnissaata avammut ussasaarutiginnissaanut aalajangersimasumik pilersaarummut periusissiortoqarnissaanik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Siverth K. Heilmann, Atassut)

Siumumiit nukissiuuteqarnermut politikkitsinni anguniagaraarput inuiaqatigiit aningaasaqarnerannut naleqqunnerpaamik avatangiisinullu ajoqusiinngitsumik nukissiuutini pilersugaanissaq kiisalu uuliamik isumalluuteqarnerup annikillissarnissaa.

Siumumit anguniagararput 2035-imi nunarput tamakkerluni nukissiuutit mingutsitsinngitsut atorlugit nukimmik pilersorsinnaalersimassasoq.

Taseriarmi erngup nukissiorfiliorfissarsuup piviusunngortinnissaa sulissutigineqarnissaa nunarsuarmi nukerujussuarmik pisariaqartitsiviusunik suliffissuaqarfiliornissaq piviusunngortinneqarnissaa Siumumit qangali anguniagaraarput.

Nunat allamiut suliffissuaqarfiliornissamik siunertaqartut aningaasalersueqataatinnissaat aqutissiuunneqassasoq tamakkiisumik tapersersorlutigu naqissuserumavarput.

Aamma pingaartipparput suliniutini taamak ittuni, nunarput nittarsaassiinnarnani, imal. Naalakkersuisut kissaatigisaattut "unammilleqatigiisitsiinnarnani", aammali suliniutini siunissami ingerlanneqartussani nunatta piginneqataanissaa siunertaassasoq. Tamanna aamma suliffeqarfissuarnit soqutigineqarsinnaanera pilerigineqarsinnaanera qularutiginnilarput.

Siumumiit isumaqarpugut suliffeqafiit nukissiuutini minguitsunik pilersitsinissamik siunertaqartut qammarneqarnissaanni akileraarutitigut allatigullu pilerinarsaasinnaanerit ilanngullugit nalilersorneqassasut, tamatamanilu nunat sanilerisavut aamma qanoq iliorsimanersut ilanngullugit misissorneqartariaqarput, assersuutigalugu Island-imi aluminiumut aatsitsiviliornermi kingullermi – suliffeqarfimmut atugassarititaasunut assigusunik atugassaqartitsinissarput eqqarsaatigisariaqarparput.

Siumumiit siunnersuutigineqartoq taperseratsigu oqaatigiumavarput.

Taamaattumik taamatut oqaaseqartuta siunnersuut ataatsimiititaliami aappassaaneerneqartigani suliarineqarnissaa innersuupparput.

Lars Poulsen, Siumut